

ՀԱՄԱԳՈՐԾԱԿՑՈՒԹՅՈՒՆ

ՎՐԱՍՏԱՆԻ ՎԱՐՉԱՊԵՏԻ ԳԼԽԱՎՈՐԱԾ
ՊԱՏՎԻՐԱԿՈՒԹՅՈՒՆԸ ՄԱՍՆԱԿՑՈՒՄ Է ՄԱԿ-Ի
ԳԼԽԱՎՈՐ ՎԵՐԱԺՈՂՈՎԻ 76-ՐԴ ՆԱՏԱՇՐՋԱՆԻՆ
ԻՐԱՎԻ ՂԱՐԻԲԱՇՎԻԼԻՆ ՎԵՂԱԺՈՂՈՎՈՒՄ ԵԼՈՒՅԹ ՈՒՆԵՅԱՎ ՍԵՊՏԵՄԲԵՐԻ 24-ԻՆ՝
ԹԲԻԼԻՍՅԱՆ ԺԱՄԱՆԱԿՈՎ ՈՒՆ ԵՐԵԿՈՅԱՆ

Սեպտեմբերի 21-ին, Վրաստանի վարչապետ Իրակլի Դարիբաշվիլու գլխավորած պատվիրակությունը, որի կազմում են փոխվարչապետ, արտաքին գործերի նախարար Դավիթ Ջալալիանին, կրթության եւ գիտության նախարար Միխեիլ Չխենկելին եւ կառավարության աշխատակազմի ղեկավար Իլիա Դարչիաշվիլին, մեկնեց Նյու Յորք՝ մասնակցելու ՄԱԿ-ի Գլխավոր վեհաժողովի 76-րդ նստաշրջանին:

Այդ օրը Վրաստանի պատվիրակությունը, վարչապետ Իրակլի Դարիբաշվիլու գլխավորությամբ, Նյու Յորքում մասնակցեց ՄԱԿ-ի գլխավոր վեհաժողովի 76-րդ նստաշրջանի բանավեճի բացմանը: Գլխավոր բանավեճի բացման նիստի մասնակիցներին խոսքով դիմեցին ՄԱԿ-ի գլխավոր քարտուղարը, գլխավոր վեհաժողովի նախագահ Անտոնիո Գուտիերեսը, Ամերիկայի Միացյալ Նահանգների նախագահ Ջոզեֆ Բայդենը, Բրազիլիայի նախագահը եւ այլ առաջնորդներ:

ՄԱԿ-ի գլխավոր վեհաժողովի 76-րդ նստաշրջանի բանավեճի հիմնական թեման է «Երկրների տոկունության բարձրացումը, հույսով, որ աշխարհը կհաղթահարի կորոնավիրուսը, ինչպես նաեւ տնտեսական կայուն վերականգնումը, մարդու իրավունքների հաղթա հարգանքն ու Միավորված ազ-



ԻՐԱՎԻ ՂԱՐԻԲԱՇՎԻԼԻՆ ԵՎ ԱՆՏՈՆԻՈ ԳՈՒՏԻԵՐԵՍԸ

գերի կազմակերպության եւության վերածնունդը»:

Վրաստանի կառավարության ղեկավարը ՄԱԿ-ի գլխավոր վեհաժողովի 76-րդ նստաշրջանին ելույթ ունեցավ սեպտեմբերի 24-ին, թբիլիսյան ժամանակով ուշ երեկոյան:

Նյու Յորքում Վրաստանի վարչապետը հանդիպում ունեցավ ՄԱԿ-ի գլխավոր քարտուղար Անտոնիո Գուտիերեսի հետ:

Հանդիպման մեկնարկին Վրաստանի վարչապետը շնորհավորեց Անտոնիո Գուտիերեսին՝ գլխավոր

(Շարունակությունը՝ 2-րդ էջում)

ՎՐԱՑԱԳԻՏՈՒԹՅԱՆ ԾՐԱԳԻՐ՝ ԱՄԵՐԻԿԱՆ
ՀԱՐՎԱՐԴԻ ՀԱՄԱԼՍԱՐԱՆՈՒՄ

Վրաստանի վարչապետ Իրակլի Դարիբաշվիլու նախաձեռնությամբ, Վրաստանի կառավարության ֆինանսական աջակցությամբ, առաջին անգամ Ամերիկայի Միացյալ Նահանգների պատմության մեջ, Հարվարդի համալսարանի Դեկաի կենտրոնում, գործարկվեց վրացագիտության ծրագիր:

Ծրագիրը կնպաստի ոչ միայն ԱՄՆ-ի, այլեւ Համաշխարհային գիտական եւ մտավոր շրջաններ-

ին Վրաստանի վերաբերյալ տեղեկատվության տարածման, աջակցության ուղղությամբ:

Վրաստանի վարչապետ Իրակլի Դարիբաշվիլին, ԱՄՆ կատարած այցի շրջանակներում, մասնակցեց Հարվարդի ակումբում վրացագիտության ծրագրի շնորհանդեսի տոնական արարողությանը: Միջոցառմանը խոսքով ելույթ ունեցան Իրակլի Դարի-

(Շարունակությունը՝ 2-րդ էջում)

«ՎՐԱՍՏԱՆԸ» 100 ՏԱՐԵԿԱՆ Է

ՄԻԱՅՆ ՎՐԱՍՏԱՆՈՒՄ «ՎՐԱՍՏԱՆԸ»
ԿԱՐՈՂ Է ԴԱՌՆԱԼ 100 ՏԱՐԵԿԱՆ



ԳԻՐԳԻ ՏՂԵՄՍԼԱՆՉԵ

Դեռ մանկուց գիտեի, որ Վրաստանում լույս է տեսնում հայալեզու թերթ: Եվ, անկեղծ ասած, զարմանքի հետ միասին հաճելի անակնկալ էր, երբ վրացական մամուլից տեղեկացա, որ ինձ մանկուց ծանոթ «Վրաստան» թերթը ճշում է իր մեկդարյա հոբելյանը:

Առհասարակ շատ կարելի է խոսել թերթի նշանակության եւ դերի մասին, բայց երբ խոսքը «Վրաստան» մասին է, ապա սովորական բնորոշումը երբեք լիարժեք չէ: Նախ, բացառիկ երեւույթ է, երբ երկրում նշվում է երկրի ոչ պետական լեզվով լույս տեսնող պարբերականի 100-ամյա հոբելյանը:

(Շարունակությունը՝ 5-րդ էջում)

ՏՈՆԴ ՇՆՈՐՀԱՎՈՐ, «ՎՐԱՍՏԱՆ»

«Վրաստան» թերթի գլխավոր խմբագիր պարոն Վան Բայբուրթյանին, խմբագրության աշխատակիցներին, ինչպես նաեւ թերթի հավատարիմ ընթերցողներին ի խորոց սրտե շնորհավորում եմ «Վրաստանի» 100-ամյա հոբելյանի առիթով:

100 տարիների ընթացքում, իր ավանդույթներին հավատարիմ մնալով, թերթն արժեքավոր տեղ է զբաղեցրել երկրի լրատվամիջոցների շարքում:

Թերթն աչքի է ընկել բարձր ու օբյեկտիվ մեկնաբանությամբ:

«Վրաստան» պարբերականն իր էությամբ պատվար է հայապահպանման գործում, հատկապես մայրենիի պահպանման ու տարածման հարցում:

(Շարունակությունը՝ 5-րդ էջում)



ԷՄԻՆ ԲԱԼՈՅԱՆ

ՀԱՅԱՍՏԱՆ

ՀԱՄԱՅՆ ՀԱՅՈՒԹՅՈՒՆԸ ՆՇԵՃ
ԱՆԿԱՄՈՒԹՅԱՆ 30-ՐԴ ՏԱՐԵԿԱՐՁԸ

Սեպտեմբերի 21-ին Հայաստանի երրորդ Հանրապետությունը նշեց անկախության 30-րդ տարեդարձը:



30 տարի առաջ հայ ժողովուրդը հանրաքվեի միջոցով իր վճռական «այո»-ն ասաց Հայաստանի անկախությանը: Հայաստանի չափահաս բնակչության 95 տոկոսը մասնակցության պարագայում ընտրողների 99,5 տոկոսը «Համաձայն եմ, որ Հայաստանի Հանրապետությունը լինի

ժողովրդավարական անկախ պետություն»՝ ԽՍՀՄ կազմից դուրս» հարցին դրական պատասխան տվեց: Երկու օր անց, սեպտեմբերի 23-ին, երկրի Գերագույն խորհուրդը Հայաստանը հռչակեց անկախ, ինքնիշխան հանրապետություն:

(Շարունակությունը՝ 7-րդ էջում)

ԻՐԱՎԻ ՂԱՐԻԲԱՇՎԻԼԻՆ ՇՆՈՐՀԱՎՈՐԱԿԱՆ ՈՒՂԵՐՁԸ
ՆԻԿՈՒ ՓԱՇԻՆՅԱՆԻՆ՝ ԱՆԿԱՄՈՒԹՅԱՆ ՕՐԿԱ ԱՌԹԻՎ

Վրաստանի վարչապետ Իրակլի Դարիբաշվիլին Հայաստանի Հանրապետության անկախության տոնի առթիվ շնորհավորական ուղերձ է հղել Հայաստանի վարչապետ Նիկոլ Փաշինյանին:

Ուղերձում ասված է.

«Պարոն վարչապետ, Սրտանց շնորհավորում եմ Հայաստանի Հանրապետության անկախության 30-ամյակը: Հայ ժողովուրդը երկար եւ բազմաթիվ մարտահրավերներով լի ուղի է անցել՝ հաջողակ եւ անկախ պետության կառուցման համար: Չմայած բազում դժվարությունների, հավատում եմ, որ հայ ժողովուրդն ապագայում եւս հաջողությամբ կշարունակի անկախ, ժողովրդավարական եւ հզոր պետության կառուցումը:

Տարածաշրջանի աշխարհաքաղաքական դինամիկան եւ առկա մարտահրավերներն ավելի նշանակալից են դարձնում մեր երկրների միջեւ համագործակցությունն ինչպես երկկողմ, այնպես էլ՝ տարածաշրջանային ձեւաչա-



փում: Ցանկանում եմ պատրաստակամությունս հայտնել այս փոխշահավետ համագործակցության ավելի ամրապնդման համար:

Ուրախ եմ, որ Ձեզ Վրաստանում հյուրընկալելու հնարավորություն ունեցա: Համոզված եմ՝ մեր երկրների համար նշանակալից հարցերի քննարկման համար դարձյալ շատ հնարավորություններ կունենանք:

Մեկ անգամ եւս շնորհավորում եմ Հայաստանի Հանրապետության անկախության հոբելյանական տարեթիվը, իսկ մեր եղբայրական հայ ժողովրդին մաղթում խաղաղություն, հաջողություն, բարություն, առաջընթաց եւ բարօրություն»:

ԹԲԻԼԻՍՅԱՆ ՇՆՈՒՄՏԱՄԵՏԱՐԱԿԸ՝ ՀԱՅԱՍՏԱՆԻ
ՊԵՏԱԿԱՆ ԴՐՈՇԻ ԳՈՒՅՆԵՐՈՎ

Սեպտեմբերի 21-ին, Թբիլիսիի հեռուստաաշտարակը Հայաստանի Անկախության տոնի առթիվ լուսավորվեց Հայաստանի դրոշի գույներով:

Նշենք, որ Թբիլիսիի քաղաքապետարանը, ավանդաբար, բարեկամ եւ գործընկեր երկրների անկախության օրերի եւ այլ կարեւոր ամսաթվերը նշելու համար, հեռուստաաշտարակը լուսավորում է տվյալ պետության դրոշի գույներով:



ՀԱՄԱԳՈՐԾԱԿՑՈՒԹՅՈՒՆ

ՎՐԱՍՏԱՆԻ ՎԱՐՉԱՊԵՏԻ ԳԼԽԱՎՈՐԱԾ ՊԱՏՎԻՐԱԿՈՒԹՅՈՒՆԸ ՄԱՍՆԱԿՑՈՒՄ Է ՄԱԿ-Ի ԳԼԽԱՎՈՐ ՎԵՅԱԺՈՂՈՎԻ 76-ՐԴ ՆԱՏԱՇՐՋԱՆԻՆ


(Սկիզբը՝ 1-ին էջում)

քարտուղարի պաշտոնում վերընտրվելու կապակցությամբ, եւ շնորհակալություն հայտնեց Վրաստանին համաճարակի դեմ պայքարում ցուցաբերած աջակցության համար:

Վրաստանի վարչապետը հատկապես ընդգծեց ՄԱԿ-ի եւ գլխավոր քարտուղարի անձնական աջակցությունը՝ Վրաստա-

նի տարածքային ամբողջականությանը եւ ինքնիշխանությանը, եւ նշեց, որ Վրաստանի կառավարությունը բարձր է գնահատում ՄԱԿ-ի ներգրավվածությունը համարապատասխան խաղաղ կարգավորման գործընթացում: Ըստ Իրակլի Ղարիբաշվիլու, Վրաստանի Աբխազիայի եւ Ցխինվալիի շրջաններից փախստականների մասին ՄԱԿ-ի գլխավոր քարտուղարի գե-

կույցը, ՄԱԿ-ի գլխավոր ասամբլեայի եւ ՄԱԿ-ի մարդու իրավունքների խորհրդի բանաձեւերը բռնազավթած տարածքներում հունանիտար իրավիճակի պահպանման ամենակարեւոր մեխանիզմներն են: Իրակլի Ղարիբաշվիլու խոսքով, Վրաստանի կառավարությունը հավատարիմ է հակամարտության խաղաղ կարգավորման քաղաքականությանը:



ՌՈՒՍԱՍՏԱՆ «ԵՂԻՆԱՅԱ ՌՈՍԻԱՆ» ՀԱՐՁԵՑ ԸՆՏՐՈՒԹՅՈՒՆՆԵՐՈՒՄ

Սեպտեմբերի 17, 18 եւ 19-ին Ռուսաստանում անցկացված խորհրդարանական ընտրություններում հաղթել է երկրի կառավարող «Եղինայա Ռոսիա» կուսակցությունը: Այն հավաքել է ձայների 49,76 տոկոս: Երկրորդ տեղում Կոմունիստական կուսակցությունն է՝ 19,61 տոկոս ձայնով, որին հաջորդում է Վլադիմիր ժիրինսկու լիբերալ-դեմոկրատական կուսակցությունը՝ 7,53 տոկոս:

Ռուսաստանի օրենսդիր մարմինը ներառում է նաեւ «Արդար Ռուսաստան-ճշմարտություն» կուսակցությունը՝ ձայների 7,34 տոկոսով եւ «Նոր ժողովուրդ» կուսակցությունը՝ 5,31 տոկոսով:

Ստորին պալատի ընտրություններին զուգահեռ, անցկացվեցին ուղղակի ընտրություններ Ռուսաստանի Դաշնության ինը միավորների ղեկավարների համար, ընտրվեցին նաեւ 39 մարզային խորհրդարաններ:

ԱՄՆ-ՖՐԱՆՍԻԱ ՀԱՐԱԲԵՐՈՒԹՅՈՒՆՆԵՐԸ ԼԱՐՎԵԼ ԵՆ

Մի կողմից Ֆրանսիայի, մյուս կողմից՝ ԱՄՆ-ի, Մեծ Բրիտանիայի եւ Ավստրալիայի միջեւ հարաբերությունները լարվեցին: Պատճառն Ավստրալիայի, Մեծ Բրիտանիայի եւ Միացյալ Նահանգների կողմից սեպտեմբերի 15-ին արված հայտարարությունն էր անվտանգության ոլորտում նոր գործընկերություն՝ AUKUS-ի ստեղծման մասին: Համաձայնագրի շրջանակում Ավստրալիան մտադիր է ամերիկյան տեխնոլոգիաների օգնությամբ կառուցել առնվազն 8 ատոմային սուզանավ, որոնցից առաջիններն արդեն շարքում կլինեն 2036 թվականին, ինչպես նաեւ հարստացնել սեփական զինված ուժերը ամերիկյան թեւավոր հրթիռներով: Այս նպատակով Ավստրալիան խզել է իր պատմության ընթացքում խոշորագույն պաշտպանական համաձայնագիրը՝ կնքված Ֆրանսիայի հետ:

ՆԻՆՈՇՄԻՆԱԿ



Սակրեբուլոյի նախագահ Վահան Արոյանի նախագահությամբ անցկացված նիստին, սակրեբուլոյի անդամներից բացի, ներկա էին Նինոծմինդայի քաղաքապետ Անի Մոսոյանը, քաղաքապետարանի ֆինանսաբյուջետային ծառայության պետ Սամվել Արզումանյանը, Էկոնոմիկայի ծառայության պետ Սայաթ Մկոյանը, մշակույթի, կրթության, սպոր-

ՓՈՓՈԽՈՒԹՅՈՒՆՆԵՐ՝ 2021 ԹՎԱԿԱՆԻ ՄՈՒՆԻՑԻՊԱԼԱՅԻՆ ԲՅՈՒՋԵՏՈՒՄ

Սեպտեմբերի 20-ին կայացավ Նինոծմինդայի մունիցիպալիտետի սակրեբուլոյի հերթական նիստը:

տի, հուշարձանների պահպանության, երիտասարդության հարցերով եւ տուրիզմի ծառայության պետ Լեւոն Վարդանյանը եւ ուրիշներ:

Սակրեբուլոյի նիստի օրակարգում ընդգրկված էին Նինոծմինդայի մունիցիպալիտետի 2021 թվականի բյուջեում փոփոխություններ մտցնելու, Նինոծմինդայի մունիցիպալիտետի սեփականության ներքո քաղաք Նինոծմինդայի Պուշկինի փող. թիվ 43-ում գտնվող անշարժ գույքի՝ լրացուցիչ 30 մ² տարածքի ուղիղ տնօրինման կարգով, անհատույց, անժամկետ, ուղուֆրուկտի ձեւով, օգտագործման

իրավունքով «Նինոծմինդայի նոտարական գրասենյակին» փոխանցման համար համաձայնություն տալու, ինչպես նաեւ՝ Նինոծմինդայի մունիցիպալիտետի կողմից, Սամցխե-Ջավախեթի մունիցիպալիտետների (Աղիգեմի, Ասպին-ձա, Ախալցխե, Ախալքալաքի, Բորջոմի) հետ միասին ոչ արտադրական (ոչ կոմերցիոն) իրավաբանական անձ, «Սամցխե-Ջավախեթի ծյուղոյի տարածաշրջանային ակումբի» ստեղծման համար համաձայնություն տալու մասին հարցեր:

Օրակարգի առաջին եւ երկրորդ հարցերն ընդունվեցին ձայների մեծամասնությամբ, երրորդը՝ միաձայն:

ՏԵՂԱԿԱՆ ԸՆՏՐՈՒԹՅՈՒՆՆԵՐ

ԹԲԻԼԻՍԻՆ ՏԱՐԱԾՔՈՎ ՍՈՑԻԱԼԱԿԱՆ ՔԱՂԱՔԱԿԱՆՈՒԹՅԱՆ ՇՆՈՐՀԱՆԴԵՍԸ

Հոկտեմբերի 2-ին անցկացվելիք տեղական ինքնակառավարման մարմինների ընտրությունների նախընտրական քարոզարշավի շրջանակներում, Թբիլիսիի քաղաքապետի «Վրացական երազանքի» թեկնածու Կախա Կալաձեն, հանրությանը ներկայացրեց սոցիալական քաղաքականության շնորհանդեսը:

Կախա Կալաձեն շնորհանդեսից առաջ՝ շնորհակալություն հայտնեց հանրությանը, Վրաստանի խորհրդարանի եւ Թբիլիսիի քաղաքային խորհրդի անդամներին, ուղրտի մասնագետներին, հատկապես բժիշկներին եւ համաճարակաբաններին եւ նշեց, որ նրանք կրկին պայքարում են առաջնագծում եւ նրանց աշխատանքն անգնահատելի է:

Անդրադառնալով սոցիալական քաղաքականության թեմային, Կախա Կալաձեն նշեց, որ հանրությանը ներկայացված ծրագիրը պարզապես գեղեցիկ գրված բառեր չեն, այլ՝ կոնկրետ նախագիծ, թե ինչպես պետք է գործել:

Ինչ վերաբերում է սոցիալական քաղաքականու-

թյան ուղղությանը, ապա, ըստ Թբիլիսիի քաղաքապետի թեկնածուի, մայրաքաղաքի բյուջեի ավելի քան 30 տոկոսը կծախսվի այս ուղղությամբ ծրագրերի վրա:

- Այսօր մենք ներկայացնում ենք ամենակարեւոր ուղղություններից մեկը՝ սոցիալական եւ առողջապահական ծրագրերը, որոնք կիրականացնենք առաջիկա չորս տարում: Այս ամենի վրա ծախսվում է բյուջեի մոտ 30 տոկոսը: Վերջին տարիներին քաղաքապետարանը բավարարել է ավելի քան երկու միլիոն թբիլիսցիների պահանջը՝ մեր ծրագրերով նրանց օգնելու համար: Մենք դա կշարունակենք ապագայում, եւ մեր առաջնահերթություններ-



րից մեկը կլինի սոցիալական եւ առողջապահական ծրագրերի իրականացումը,- ընդգծեց Կախա Կալաձեն:

ԴԻՎԱՆԱԳԻՏԱԿԱՆ ՈԼՈՐՏ

ՎՐԱՍՏԱՆԻ ԱՐՏԱԿԱՐԳ ԵՎ ԼԻԱԶՈՐ ԴԵՍՊԱՆ ԱԼԵՔՍԱՆԴՐ ՆԱԼԲԱՆԴՈՎԸ ԱՎԱՐՏԵԼՈՎ ԻՐ ԱՌԱՔԵԼՈՒԹՅՈՒՆԸ ԵԳԻՊՏՈՍՈՒՄ ՎԵՐԱԴԱՐՉԱՎ ԹԲԻԼԻՍԻ



Վերջին հինգ տարիներին Եգիպտոսի Արաբական Համալսարանում (համատեղության կարգով Թունիսում, Լիբիայում) Վրաստանի արտակարգ եւ լիազոր դեսպան Ալեքսանդր Նալբանդովը դիվանագիտական առաքելության ժամկետի ավարտից հետո վերադարձավ հայրենիք:

Այդ մասին դիվանագետը ասել է գրառել է ֆեյսբուքյան իր էջում: Ըստ նրա, Եգիպ-

տոսում դեսպանի իրավասություններին ժամկետի սպառումով, ավատել է իր դիվանագիտական գործունեության հերթական, արտակարգ հետաքրքիր ու ոչ այնքան դժվար փուլը:

«Օգտվելով առիթից, իմ խորին երախտագիտությունն եմ հայտնում իմ գործընկերներին՝ դեսպանության բոլոր աշխատակիցներին, ովքեր այդ տարիների ընթացքում եղել են իմ կողքին եւ առանց նրանց օգնության ինձ մոտ ոչինչ չէր ստացվի», - նշել է Ալեքսանդր Նալբանդովը:

Մեր ընթերցողներին տեղեկացնենք նաեւ, որ Թբիլիսիում ծնված ու մեծացած 61-ամյա Ալեքսանդր Նալբանդովը աշխատանքային իր գործունեությունը սկսել է մարդու իրավունքների հարցե-

րով զբաղվող հասարակական կազմակերպություններում, մշտապես ակտիվ մասնակցություն է ունենում Թբիլիսիի հայ համայնքի հասարակական կյանքում: 2003-2006թթ. աշխատել է Վրաստանի անվտանգության խորհրդում, 2006-ից մինչեւ 2011 թվականը՝ Վրաստանի արտաքին գործերի նախարարի տեղակալ, 2011-2015թթ.՝ Վրաստանի արտակարգ եւ լիազոր դեսպան Սլովակիայում, Սլովենիայում եւ 2016թ.՝ Եգիպտոսում:

ՅՈՒՐԻ ՊՈՐՈՍՅԱՆ

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՍՈՑԻԱԼԱԿԱՆ

«ՍՈՒԲՍԻԴԱՎՈՐՎՈՂ ՀԻՊՈԹԵԲԱՅԻՆ ՎԱՐԿ» ՆԱԽԱԳԻԾԸ ԳՈՐԾՈՒՄ Է

Ինչպես արդեն հաղորդել ենք, սեպտեմբերի 1-ից գործում է «Արտադրիչի Վրաստանում» գործակալության «Սուբսիդավորված հիպոթեք» նոր ծրագիրը:

Ծրագրի համաձայն, հիպոթեքային վարկերը կտրվեն միայն ազգային արժույթով, այն կտրամադրվի առևտրային բանկի կողմից՝ առաջնային եւ երկրորդական բնակարան/տուն գնելու կամ մասնավոր տուն կառուցելու համար:

մար: Վարկի առավելագույն գումարը կկազմի 200 000 լարի: Ծրագիրը տրամադրում է վարկերի սուբսիդավորված տոկոսներ՝ վարկի տրամադրումից հետո 60 ամսվա ընթացքում:


Ծրագիրը կրում է մեկան-

գամյա բնույթ, եւ շահառուն կարող է դրան մասնակցել միայն մեկ անգամ՝ անկախ իր կողմից վերցված վարկի չափից:

Պաշտոնական տեղեկատվության համաձայն, սուբսիդավորված ծրագրից, ով 2021 թվականի սեպտեմբերի 1-ից հետո ծնված մինչեւ մեկ տարեկան երեխա ունի, փոխա-

ռության պահին ունի երեք կամ ավելի անչափահաս երեխաներ: Ունի անչափահաս երեխա որդեգրված 2021 թվականի սեպտեմբերի 1-ից հետո՝ փոխառության պահին:

Ներկա դրությամբ, «Սուբսիդավորվող հիպոթեք» պետական ծրագրի շրջանակներում, տրվել է 47 հիպոթեքային վարկ, իսկ 17-ը գտնվում են քննարկման փուլում:



ՍԵՊՏԵՄԲԵՐԻ 19-Ը՝ ՎՐԱՍՏԱՆԻ ԱՎԻԱՑԻԱՅԻ ՕՐ



Սեպտեմբերի 19-ին Վրաստանը նշեց ռազմական ավիացիայի օրը: Այս օրը նշում են 1998 թվականի օգոստոսի 20-ից, երբ Վրաստանի խորհրդարանն ընդունեց վրաց ռազմական ավիացիայի ստեղծման որոշում:

Վրաստանի վարչապետ Իրակլի Դարիբաշվիլու խոսքով, երբ ինքը պաշտպանության նախարար էր, գերատեսչությունը ուներ միայն մեկ ուղղաթիռ, իսկ այսօր արդեն վերականգնվել է 4 ՍՈՒ-25 ինքնաթիռ: Եվս 2 տարի անց կվերականգնվեն ՍԻ 24 մականիչի 5 ինքնաթիռներ:

ԹՈՒՐԵԱԿԱՆ «ԷՆԿԱ» ԸՆԿԵՐՈՒԹՅՈՒՆԸ ԽՁԵԼ Է ՎՐԱՍՏԱՆԻ ՀԵՏ ՊԱՅՄԱՆԱԳԻՐԸ

«Էնկա Ռինոլուբրեյս» ընկերությունը, որը պետք է կառուցեր «Նամախվանի ՀԷԿ»-ը, խզում է Վրաստանի հետ պայմանագիրը:

«2019 թվականի ապրիլի 25-ին, մեր ընկերության դուստր ձեռնարկությունը՝ «ENKA Renewables»-ը, Վրաստանի հետ կնքեց երկար ժամանակ ընթացող Նամախվանի կասկադի հիդրոէլեկտրակայանի նախագծի մշակման, կառուցման, կառավարման եւ շահագործման մասին համաձայնագիր: Ընկերությունը վրացական պետությանը տեղեկացնում է պայմանագրի դադարեցման մասին, պայմանագիրը խախտելու եւ ֆորսմաժորի պատճառով»,- ասված է ընկերության հայտարարության մեջ:

ՆՈՐ ՆԱԽԱԳԻԾ. ՀԵՌԱԲԺՇԿՈՒԹՅՈՒՆ ԳՅՈՒՂԱԿԱՆ ԱՄԲՈՒԼԱՏՈՐԻԱՆԵՐՈՒՄ

Եվրամիությունը, ՄԱԿ-ի չորս կազմակերպություններ եւ առողջապահության նախարարությունը համատեղ ծրագիր են սկսել՝ ուղղված Վրաստանում բվային առողջապահության եւ տեխնոլոգիաների զարգացմանը:

Նախագծի շրջանակներում, հեռաբժշկության սարքավորումներն արդեն տեղակայվել են գյուղական 50 բժշկական հաստատություններում: Դրանցից մեկը Քվեմո Մուխրովանի գյուղի ամբուլատորիան է, ուր այսօր այցելել են առողջապահության նախարար Էկատերինե Տիկարաձեն, Եվրամիության դեսպան Կառլ Ջարցելը, Առողջապահության համաշխարհային կազմակերպության տարածաշրջանային տնօրեն Սիլվիո Դոմենտեն եւ ՄԱԿ-ի մշտական համակարգող Սա-

բինա Մաքլին:

Նախարարը շնորհակալություն է հայտնել գործընկեր կազմակերպություններին՝ ծրագրի իրականացման գործում ներդրած ավանդի համար եւ նշել, որ հեռաբժշկության եւ հեռակա բժշկական ծառայությունների օգտագործումը շատ կարեւոր է Covid-19 դեպքերի անվտանգ կառավարման տեսանկյունից:

Եռամյա, 4,7 միլիոն եվրոյի նախագի-



ծը նպատակ ունի պաշտպանել եւ խթանել Covid-19 համաճարակի եւ հետագա ընթացքում բնակչության առողջությունը ու բարեկեցությունը:

ԲՆԱԿԱՐԱՆՆԵՐ՝ «ԷԺԱՆ ՏՈՒՆ» ՆԱԽԱԳԾԻ ՇՐՋԱՆԱԿՆԵՐՈՒՄ

Բաթումիի քաղաքապետարանի «Էժան տուն» նախագծի շրջանակներում, բնակարաններով ապահովվեց 40 ընտանիք: Ավարտվել է Բաթումիի քաղաքապետարանի կողմից իրականացվող ծրագրի առաջին փուլը՝ մատչելի բնակարան (այսպես կոչված՝ էժան տուն):

Էժան տունը կառուցվել է այն քաղաքացիների համար, ովքեր տարիներ շարունակ բնակվել են Բաթումիում եւ չեն կարողացել տուն գնել,

մշտական եկամուտ ունեն եւ երկար, արտոնյալ ժամանակ կկարողանան հոգալ բնակարանի ծախսերը:

Աջարիայի կառավարու-

թյան նախագահ Թորմիկե Ռիժվաձեն, Բաթումիի քաղաքապետի պաշտոնակատար Լեւա Սուրմանիձեի հետ միասին, ծրագրի շրջանակներում բնակարաններ հանձնեցին 40 ընտանիքի՝ Ջավախիշվիլի փողոցում կառուցված երկու տներում: Ծրագրին մասնակցող ընտանիքներն ընտրվել են մրցույթում հաղթած ընկե-

րության կողմից, իսկ բնակարանները՝ վիճակախաղով:

Ծրագրի երկրորդ փուլի հայտերը կշարունակվեն մինչեւ սեպտեմբերի վերջ: Երկու փուլերում էլ 80 ընտանիքի կտրամադրվեն բնակարաններ:

Նախագծի արժեքը չորս միլիոն 667 հազար 746 լարի է:

ՇՆՈՐՀԱՆԴԵՆ

ԼՈՒՅՍ ՏԵՍԱՎ «ԹԲԻԼԻՍԻՈՒՄ ԳՈՐԾՈՂ ՊԱՇՏԱՊԱՆՔԱՅԻՆ ԿԱՌՈՒՅՆԵՐԸ՝ 2020 ԹՎԱԿԱՆԻ ԴՐՈՒԹՅԱՄԲ» ԱԼԲՈՍԸ

Հայաստանյայց Առաքելական եկեղեցու հետեւորդ 29 368 հավատացյալի սպասարկում են Թբիլիսիում գործող երկու՝ Սուրբ Գեորգ առաջնորդանիստ եւ Հավաքարի Սուրբ Էջմիածին եկեղեցիները

Սեպտեմբերի 16-ին, Վրաստանի պետական արարողությունների պալատում, անցկացվեց Վրաստանի կրոնական հարցերով պետական գործակալության կողմից իրատարակված «Թբիլիսիում գործող պաշտամունքային կառույցները՝ 2020 թվականի դրությամբ» ալբոմի շնորհանդեսը:

Միջոցառմանը ներկա էին Վրաստանի իշխանության եւ Վրաստանում գործող կրոնական կազմակերպությունների ներկայացուցիչներ: Միջոցառումը բացեց Վրաստանի կրոնական հարցերով պետական գործակալության նախագահ Ջազա Վաշադմաձեն: Գերատեսչության ղեկավարն առանձնակի ընդգծեց ալբոմի յուրահատկությունը: Այն առաջինն է, որ մի ձեռնարկում միավորում է մայրաքաղաքում գտնվող կրոնական կառույցների վերաբերյալ սպառիչ տեղեկատվությունները, ինչն արտակարգ նշանակություն ունի ինչպես մարդկային հարաբերությունների, այնպես էլ՝ գիտության տեսանկյունից: Գործակալության նախագահը ներկայացրեց նաեւ վիճակագրական մի շարք տվյալներ:

«Վերջին 2014 թվականին անցկացված համընդհանուր մարդահամարի արդյունքներով՝ Թբիլիսիի բնակչությունը կազմեց 1 միլիոն 108071 մարդ: Այդ թվից Ուղղափառ եկեղեցու հետեւորդներ են 1 միլիոն 024 931-ը, այսինքն՝ բնակչության 92,44 տոկոսը: Մահմեդական կրոնական հետեւորդների թիվը կազմում էր 16268, բնակչության 1,47 տոկոսը: Հայաստանյայց Առաքելական եկեղեցու հետեւորդների թիվը, ըստ մարդահամարի, կազմում է 29 368 մարդ: 2,65 տոկոսը: Հրեաների թիվը հասնում է 1016, ինչը կազմում է բնակչության 0,09 տոկոսը: Կաթոլիկ եկեղեցու հետեւորդների թիվը կազմում է 1 662,

բնակչության 0,5 տոկոսը: Ըստ մարդահամարի, 8 124-ը եզդիներ են, որը կազմում է 0,73 տոկոսը, «Եհովայի վկաներ» հետեւորդների թիվը կազմում է 3979, բնակչության 0,6 տոկոսը: Հարցման արդյունքներով, կրոնը չեն նշել եւ ոչ մի կրոնական ուղղության պատկանելության մասին տեղեկատվություն չեն տվել 23 369 քաղաքացիներ, բնակչության 2,11 տոկոսը»:

Ըստ Ջազա Վաշադմաձեի, Թբիլիսիում, ներկա դրությամբ, կա 229 կրոնական կառույց, այսինքն՝ 4 884 հավատացյալի հաշվով, մեկ կրոնական կառույց: 1 միլիոն 024 931 ուղղափառ հավատացյալների սպասարկում է 197 գործող ուղղափառ տաճար, 22 մատուռ եւ 40 կառուցվող եկեղեցի: Դա նշանակում է, որ յուրաքանչյուր 5 202 հավատացյալի հաշվով, Թբիլիսիում գործում է մեկ տաճար: Ջազա Վաշադմաձեի տվյալներով, Հայաստանյայց Առաքելական եկեղեցու հետեւորդ 29 368 հավատացյալի սպասարկում են Թբիլիսիում գործող երկու հայկական Սուրբ Գեորգ առաջնորդանիստ եւ Հավաքարի Սուրբ Էջմիածին եկեղեցիները, Թբիլիսիում կա երեք մզկիթ, մահմեդական 5 423 հավատացյալի հաշվով նախատեսված է մեկ մզկիթ, երկու սինագոգ (508 հավատացյալի համար մեկ սինագոգ), երեք կաթոլիկ եկեղեցի (554 հավատացյալի՝ մեկ եկեղեցի), եզդիների մեկ մատուռ, եհո-



վականների 16 կրոնական կառույց:

Միջոցառմանը ելույթ ունեցան նաեւ Վրաստանի կառավարության աշխատակազմի ղեկավար Իլիա Դարչիաշվիլին, խորհրդարանի նախագահի առաջին տեղակալ Գիա Վոլսկին, Վրաստանի Կաթոլիկոս-Պատրիարքի քարտուղար Միխեիլ Բոտովելին, Արեւելյան Վրաստանի փոխանորդ Մուֆթի Ադամ Շանթաձեն:

«Թբիլիսիում գործող պաշտամունքային կառույցները՝ 2020 թվականի դրությամբ» ֆոտոալբոմը լավ նվեր է կրոնագետների, այս թեմայով հետաքրքրվող անձանց եւ զբոսաշրջիկների համար:

ՅՈՒՐԻ ԽՈՐԵՆՅԱՆ

Ընտրողների՛ն.

2021 թվականի հոկտեմբերի 2-ին կանցկացվեն մունիցիպալիտետի մարմինների ընտրություններ: Ձեր կողմից ընտրված ինքնակառավարման մարմինների փոքոցով կարող եք լուծել տեղական նշանակության հարցեր և անմիջականորեն ներգրավվել ձեր մունիցիպալիտետի զարգացմանը:

Ընտրական օրենսգրքում իրականացված փոփոխությունները դրեցին կարևոր ընտրական բարեփոխման հիմքը, ինչը հոկտեմբերի 2-ին բոլոր ընտրողներին ազատ և բարձր չափորոշիչներով անցկացված ընտրություններին մասնակցելու հնարավորություն կընձեռի:

Մրանք առաջին ընտրություններն են, երբ ձայները հաշվելու գործընթացը կտեսանկարահանվի, իսկ այնուհետև՝ կտեղադրվի համացանցային տարածքում և դուք կկարողանաք տեսնել, թե ինչպես է ընթացել ձայները հաշվելու գործընթացն այս կամ այն ընտրատեղամասում:

Մրանք առաջին ընտրություններն են, երբ ընտրատարածքային ընտրական հանձնաժողովը պարտավոր է քվեարկությունից հետո 6 օրվա ընթացքում կրկին հաշվել պատահական ընտրությամբ, վիճակահանությամբ որոշված 5 ընտրական տեղամասերից ստացված քվեաթերթիկները:

Թափանցիկ և հրապարակայնորեն հաշված քվեաթերթիկները ընտրությունների արդյունքների ճշգրտության երաշխիքն են՝ ընտրողի ընտրությունը պաշտպանված է:

ՄԵՆՔ ՄԻԱՄԻՆ ԵՆՔ ԱՆՑԿԱՅՆՈՒՄ ԸՆՏՐՈՒԹՅՈՒՆՆԵՐԸ

Մեկ անգամ ևս ակտիվության կո՛չ ենք անում
Հոկտեմբերի 2-ին եկե ք ընտրությունների՝ կատարե՛ք ձեր ընտրությունը

Լավագույն ցանկություններով՝

Գիտրգի Կալանդարիշվիլի
Կենտրոնական ընտրական հանձնաժողովի
նախագահ

Ի՛ ԳԻՏՈՒԹՅՈՒՆ ԸՆՏՐՈՂՆԵՐԻ

Համավարակի պայմաններում քվեարկության գործընթացն անվտանգ է: Քվեարկության շենքում նախատեսված են վարակի տարածման բոլոր կանխարգելիչ միջոցառումները:

ՔՎԵԱՐԿՈՒԹՅՈՒՆՆ ԱՆՑ Է ԿԱՅՎՈՒՄ
ԺԱՄԸ 08:00-ԻՑ ՄԻՆՉԵՎ ԺԱՄԸ 20:00-Ն



Անցե՛ք նշմարումը ստուգելու ընթացակարգ.

Մինչև քվեարկության շենք մտնելը ձեռքերը մշակել՝ ք մուտքի մոտ տեղադրված ձեռքերի ավտոահանիչ հեղուկով:

Հոսքը կարգավորողին ներկայացրե՛ք անձը հաստատող փաստաթուղթը կամ Վրաստանի քաղաքացու անձնագիրը և ժամանակավորապես հանե՛ք բժշկական դիմակը՝ նույնականացման նպատակով:



Նշմարումը ստուգելու ընթացակարգն անցնելուց հետո գրանցում իրականացնողին ներկայացրե՛ք անձը հաստատող փաստաթուղթը կամ Վրաստանի քաղաքացու անձնագիրը և ժամանակավորապես հանել ք բժշկական դիմակը: Անցե՛ք նշմարման ընթացակարգ:

Ընտրողների ցուցակում Ձեր ազգանվան երկայնքով ստորագրել ք զրանցում իրականացնողի սեղանի վրա դրված անհատական օգտագործման համար հատկացված գրչով: Նույն գրչից օգտվել ք գաղտնի քվեախցիկում քվեաթերթիկը/քվեաթերթիկները լրացնելիս:



Գրանցում իրականացնողից ստացե՛ք կնիքով և ստորագրությամբ վավերացված քվեաթերթիկը/քվեաթերթիկները:

ԳԱՂՏՆԻ ՔՎԵԱԽՅԻԿՈՒՄ ՔՎԵԱԹԵՐԹԻԿՈՒՄ/ՔՎԵԱԹԵՐԹԻԿԼԵՐՈՒՄ ՇՐՋԱԳԾԵ՛Ք
ՁԵՁ ՀԱՄԱՐ ՑԱՆԿԱԼԻ ՄԵԿ ԸՆՏՐԱԿԱՆ ՍՈՒԲՅԵԿՏԻ ՀԵՐԹԱԿԱՆ ՀԱՄԱՐԸ



Քվեախցիկից դուրս գալուց հետո, վերցրել ք հատուկ ծրար և ծալված քվեաթերթիկը/քվեաթերթիկները դրել ք ծրարի մեջ:
Հատուկ ծրարը գցել ք քվեատուփի մեջ:

Քվեարկության գործընթացում օգտագործած անհատական օգտագործման համար հատկացված գրիչը թողել՝ ք հատուկ արկղի մեջ:

Քվեարկությանը մասնակցելուց հետո դո՛ւրս եկեք քվեարկության շենքից:

Քվեարկության շենքից դուրս գալուց հետո օգտվե՞ք մուտքի մոտ տեղադրված ձեռքերի ախտահանիչ հեղուկից:

ԿԱՐԵՎՈ՛Ր Է ԻՄԱՆԱԼ:

Ընտրական տեղամասում տեղադրված է



ՏԵՍՈՂՈՒԹՅԱՆ ԽՆԴԻՐ ՈՒՆԵՑՈՂ ԱՆՁԱՆՑ ՀԱՄԱՐ՝
խոշորացնող ուսանյակ



ՔԱՌԻ, ԼՍՈՂՈՒԹՅԱՆ ԽՆԴԻՐ ՈՒՆԵՑՈՂ, ԱՃԱԿՑՈՒԹՅՈՒՆ ՍՏԱՑՈՂ ԱՆՁԱՆՑ ՀԱՄԱՐ՝
քվեարկությանը մասնակցությունն արտացոլող պատտառ



ՏԵՍՈՂՈՒԹՅՈՒՆԻՑ ԶՈՒՐԿ ԱՆՁԱՆՑ ՀԱՄԱՐ՝
քվեաթերթիկը լրացնելու շրջանակ/ձև



ԱՆՎԱՍՍԱՅԼԱԿԻՑ ՕԳՏՎՈՂ ԱՆՁԱՆՑ ՀԱՄԱՐ՝
Հարմարեցված/մատչելի քվեախցիկ

[illegible]